

اجتهاد

Adresse:

Idjtihad Constantinople

Téléph: St. 865

XVIII^{me} ANNÉE

1 Mai: 1923 — No. 453

اداره خانه می

جفال اوغلانده « اجتهاد نوی »

تلفون: استانبول ۸۶۵

« اون سکزنجی سنه تاسیسیه » حیاتی، فلسفی، اجتماعی فکر غزته سی

نومرو ۱۵۳ — ۱ مایس ۱۹۲۳

مابعد الروحیات

Le métapsychisme

استاد و محبتیم صباح الدین بکه

متأخرینک آسترو لوجیایه [یعنی علم نجومه] عطف
ایتدیگری نظر استخفاف یاواش دیکشه جک کبی
کورونیور .

۱۷۷۸ ده (مهسمه Mesmer) لک De l'influence

des planètes sur le corps humain (وجود
بشر اوزهرینه کواکبک تأثیری حقنده) عنوانی کتابی ،
(مانیتیزمانک کشفنه دائر خاطرات) نامنده کی کتابی
تعقیق ایدیوردی . بو کتابده شودعوی یوروتیلیوردی :
اجرام سماویه یکدیگری اوزهرینه اجرای تأثیر ایدیورلر
کونشک هوای نسیمی اوزهرینه وقرک دکزلر اوزهرینه
تأثیر دائمی مشاهده ایتکده یز بو تأثیرات سماویه نك
ذی حیات جسملر اوزهرینه اجرا اولونمادی ناقابل
قبولدر . شو حالده بو تأثیری آلمایه اك زیاده استبدادی
ظاهر اولان نه در ؟ شبهه سز عینی زمانده بر جهاز
الکتریکی ده اولان جمله عصیه . فورطونلر دوام ایتدیگی
مدتجه حس ایتدیگمز صیقیندی بونک همان همان هر کونگی
شاهدی دکلیدر . فقط بو تأثیر نه طرزده اجرا اولونور ؟
Mesmer لک « مقناطیس حیوانی » تسمیه ایتدیگی ومقنا
طیسه مشابه برسیاله ایله فرانسه آقاده میاسی اعضاسندن
Paul Bourget نك اخیراً « مابعد الروحیات حقنده »
عنوانیله Illustration ده نشر ایتدیگی بر مقاله ده شهرتکیر
استادک ویردیگی معلوماته نظراً Dr Faure و Dr Sardou
(مونیلان) رصدخانه می مدبری موسیو Vallot ایله
مشترکاً پاریس طب آقاده میاسه مهم بر استانیستیک

یکی، نسبتاً یکی بر ساحتی تتبع آچیلدی، علوم مثبتنه نك
حوزه حکم و صلاحیتی خارجنده کی شیلره هیچ قولاق
آصمیان علما بیله ، اعتقادلرنده ، داها دوغروسی اعتقاد-
سزلقلرنده خایلی صارصیلشمش بولونیورلر . بنجه بو صار-
صیلشمیه هم لزوم واردر ، همده سبب یوقدر : لزوم
واردر ، چونکه « بنم بیلدیگرمک خارجنده بیلیشه جک ،
اوکره نیله جک هیچ برشی یوقدر ، دیمک جهالت متکبر-
نه نك و تکبر جاهلاننه نك الك فاجع و چیرکین بر تظاهریدر ؛
سبب یوقدر ، چونکه ، علما ، بیلدن شیلرک ، هنوز
بیلیمه نیلره نسبتله لاشی اولدیغی بیلیرلر . (شکسپیر)
دورت عصر اول قهرمانلرندن (هاملث) . »

There are more things in heaven and earth

Horatio, than are dreamt of your philosophy

یعنی « ای هوراسیو ، کوکده ویرده سنك فلسفه کک
تخیل ایتدیگلرندن داها چوق شیلر واردر » سوزلری
سویتمیور میدی ؟

(ایران) لک اكا تواما و نافذ نظری شاعرلرندن بری
اولان (عرفی شیرازی) .

بترتیب ونظام آفرینش جون نه آ که
حوادث داز تأثیر نجوم و آسمان یینی .

دیدیکی وقت ، شبهه سز بر منور بینلک ایتدیگی قناعتنده
بولونمش در . بوش وبی تأثیر زعم اولونان فضانك نه قدار
حکم و تأثیری آلتنده بولوندیغمز یاواش یاواش میسدانه
چیقیور .

دوقتور (کوستاو ژله‌ی Dr. G. Geley) صوك زما -
نلرده «غير شعورى دن شعورى به» ديك اولان

De l'Inconscient au Conscient

اسميله مهم بر کتاب نشر ايتدى . وسائط علميه ايله
ماوراي علمه كچمك .. بو كتابك صفت مابه التميزيدر . بو
كتابدن آريجه وبر تفصيل بحث ايدم جكنز ومؤلفنه، اثره
داثر يازديغمز اوزون بر مطالعه نامه نك اصلى وترجمه سنى
بو مكتوبه مؤلفك ويرديكى جوابى، (اجتهاد) ده نشر
ايدم جكنز .

(فرانسه) ده، (آمريقا) ده، (آلمانيا) ده، (انكلتره) ده،
(ايتاليا) ده «مابعدالروحيات» ايله اشتغال ساحه سى
توسع ايتمكده در وبو ساحه نك كيتدكجه داه ا زياده توسع
وتنور ايدم جكنسه شبهه يوقدر . بو تدقيق واشتغال دن
جمعيت بشرية ايچون بر نتيجه اخلاقيه وروحانيه چيقار-
يلمايدر . انسانيت ايچون عملى واخلاقي بر ثمره نافع
ويرمى ن علم آغاچلى ايتى ترسه ابدى قوروسون ! فقط
تخمينى نمى شومر كزده در، كه مابعدالروحيات ساحه سنده كى
تتبعلر، وحدت عوالمى ووحدت عقولى كوسته ره رك،
احق غرور لر بى قيرماق ومحبت ومرتحت شيمه لر مزه
فيض ويرمك كى لازم ومقدس نتيجه لر حاضر لاياجاقدور .
بزم (فضولى بغدادى) نك

«ييلمك بو يتركه ييلمك اولماز»

مصراعنده بيوك بر قدرت حكمت مند مجدر . بونكله
برابر حيات ابديدر، وحيات ابدى بيلميه دوغرو
ايله ريله جهك وكشور عقول، ابدى بيوين فتوحات ايله
لاينقطع ترسع ايدوب كيدم جكدور .

عبداللّه جودت ۳۱ تموز ۱۹۲۲ هكبه لى آطه

عرض ايتمشلردور . بو استانيستىك متعدد خسته لق وقايى
اوزه رينه ترتيب اولونمشدر . بو استانيستىك كونش لكه-
لريله، مزمن خسته لقلرك حاد بر شكل آلمالرى آره سنده
بر ارتباط بولونديغى اثبات ايدىور . آفات مرضيه ،
كونشده لكلكلر بايرنجه چوغاليور ولكلكلر غائب اولونجه
خسته لقلر بر دور سكونته كي رىيور . بو شبهه سز ، پك
مهم بر مشاهده در .

Journal des praticiens ۱۵ تموز ۱۹۲۲ تاريخلى

نسخه سنده دوقتور Fiessinger «كيفيت صوك درجه ده
جالب دقت در، چونكه جدى بر شيمه ايله ياييله جاق بر
سورو تتبع وتدقيق ميدان آچيور؛ اجسام ذى حياتك
اغتناسنى تنظيم ايدن مابيع Humeur لك حركتى اوزرينه،
تحويلات كو كيه نك تاثير ممكنى تحقيقه معطوف برسلسله
ترصد ومشاهده يه قايى آچيور» دييور .

پروفه سسور Charles Bichet صوك زما نلرده مابعدالرو-
حيات ايله پك مشغول اولان علما دن در . اخير انشرايتديكى

Traité de Métapsychique

يعنى (كتاب مابعدالروحيات) آدى بيوك اثرى عظيم
بر حادثه فكريه كى اورته به چيقمشدر . بو كتابك صوكنده
(شارل ريشه) دييور، كه :

«صولوق، پيدا ويا پيدا لمه لر، اطراف دره وبزده
لرزان عوالم روحانيه كوسته رييور؛ فقط حس ايدىيور زكه
بو عوالم، قبه سجاى طولدوران دورادور و آكلاشيلماز
بيندزلىر كى، بزه بلكه ابدى اوزاق، اوزاق وناقابل ادراك
بوسطرلرده نه قدر درين بر تسليميت علميه، نه قادار
اصيل بر اخلاص وانصاف وجدانى طويولماقده در !
قالا جاقلردر !»

